



Centro Integrado Gestão De Crise Sala De Situação

KOMUNIKADU BA IMPRENSA

12 de Juñu 2021, 16H30.

(Dr Rui Maria de Araújo, Kordenador Forsa-Tarefa ba Prevensaun no Mitigasaun Surtu Covid-19 iha Timor-Leste, CIGC-SS)

Ohin, lora 12 fulan Juñu 2021, hodi Centro Integrado Gestão de Crises, Sala Situação (CIGC-SS) nia naran, hakarak hato'o ba jornalista, no ba públiku tomak, informasaun hanesan tuir mai:

I. DADUS JERAL BA TIMOR-LESTE TOMAK:

- 1) Kazu **detetadu foun** ne'ebé relata ohin dia 12 de Juñu de 2021: **83** (iha **Dili 66**, iha Munisipiu seluk, 17)
 - Husi total kazu detetadu foun ohin: **mane 49, feto 34**.
 - Husi total kazu detetadu foun ohin, hirak ho idade **tinan <12:0**; ho idade **entre tinan 12-59 nain 77** (92,7%); ho idade **>60:6**.
 - Husi total kazu detetadu foun ohin, **proporsaun kazu sintomátiku hamutuk 8,4%**.
- 2) **Kazu rekuperadu** ne'ebé ralata ohin, dia 12 de Juñu 2021: **119**.
- 3) Total **kazu ativu** ohin, dia 12 de Juñu 2021: **1580**.
- 4) Total **kazu konfirmadu kumulativu** iha 12 de Juñu 2021 (sura husi 21 Marsu 2020): **8228**.
- 5) Husi horiseik mai ohin, dia 12 de Juñu, hamutuk hotu Laboratóriu Nasionál Saúde halo **1334 testes PCR iha Dili**, ho detalles hanesan tuir mai:
 - a) Vijilánsia sentinela: **56**.
 - b) Rastreiu ba kontaktu (Contact tracing): **104**.
 - c) Rastreiu Aleatóriu (Random Screening): **237**.
 - d) Viajen sai husi serka sanitária Munisipiu Dili: **851**.
 - e) Viajen internasionál: **0**.
 - f) Follow up iha quarentena: **86**.
- 6) Total testes PCR ne'ebé halo horiseik dia 11 de Juñu iha Munisipiu sira seluk, REAOA & HNGV, hamutuk **468**, ho detalle hanesan tuir mai: **(a) Baucau:129; (b) Ermera:26; (c) Maliana:21; (d) Maubisse:86; (e) RAEOA:18; (f) Suai:47; (g) Viqueque:31; (h) HNGV: 110**.

II. TABELA EVOLUSAUN SURTU COVID 19 IHA TIMOR-LESTE: HUSI 21 MARSU 2020 - 12 JUÑU 2021.


(Tuir klasifikasaun transmissaun OMS nian)

Nº	MUNISIPU	KAZU DETETA- DU FOUN IHA 24 ORAS IKUS	TAXA INSIDÉNSIA PUR 100 MIL ABITANTES	KAZU REKUPERA- DU IHA 24 ORAS IKUS	KAZU ATIVU	KUMULATIVU REKUPERADU	KUMULATIVU KAZU KONFIRMADU	ÓBITU IHA 24 ORAS IKUS	KUMU- LATIVU ÓBITU	KLASIFIKASAUN TRANSMISSAUN
1	AILEU	1	2,0	0	11	20	31	0	0	Kazu iha Cluster
2	AINARO	0	0,7	0	11	33	44	0	0	Kazu iha Cluster
3	BAUCAU	4	6,3	4	91	243	334	0	0	Kazu iha Cluster
4	BOBONARO	6	3,4	0	65	147	213	0	1	Kazu iha Cluster
5	COVALIMA	0	1,0	3	113	95	208	0	0	Kazu iha Cluster
6	DILI	66	15,6	111	1197	5714	6927	0	16	Transmissaun Komunitária
7	ERMERA	2	1,0	0	26	83	109	0	0	Kazu iha Cluster
8	LAUTEM	0	2,1	0	13	35	48	0	0	Kazu iha Cluster
9	LIQUIÇA	0	0,2	0	1	23	25	0	1	Kazu iha Cluster
10	MANATUTO	2	2,0	0	7	27	34	0	0	Kazu iha Cluster
11	MANUFAHI	0	0,0	0	0	55	55	0	0	Kazu esporádiku
12	RAEOA	0	0,6	0	5	8	13	0	0	Kazu esporádiku
13	VIQUEQUE	2	5,1	1	40	147	187	0	0	Kazu iha Cluster
TOTAL		83	5,9	119	1580	6630	8228	0	18	

III. EVOLUSAUN SURTU COVID 19 IHA MUNISIPU DILI, MUNISIPU SIRA SELUK NO MÓS RAEOA

1. Atu bele hatene surtu ida ninia evolusaun, no mós surtu ne'e aumenta ka diminui, **indikator ida** ne'ebé matenek-nain epidemiolojia nian uza, maka **insidénsia**. Konvensionalmente insidénsia sukat **total kazu foun, kada loron, pur 100 mil habitantes, no hatudu risku ne'ebé populasau iha atu hetan da'et moras ida.**

Gráfiku nº1: hatudu kazu detetadu foun kada loron iha Timor-Leste tomak, pur Munisipiu & RAEOA.




- Tabela ho Gráfiku Nº1 iha leten hatudu katak média (rata-rata) ohin, husi insidénsia Covid-19 iha Timor-Leste durante loron 7 ikus maka **5,9/100 mil habitantes**, enkuantu ba deit **Munisipiu Dili 15,6/100 mil habitantes**.
- Insidénsia iha leten sei nafatin hatudu katak Munisipiu Dili maka fatin ho risku bo'ot liu atu populasaun hetan da'et & hada'et tutuan virus SARS-CoV-2.

IV. INFORMASAUN HUSI IZOLAMENTU VERA CRUZ

1. Iha dia 12 de Juñu de 2021, izolamentu Vera Cruz halo tratamentu ba kazu detetadu nain 22. Iha área obstetrisia nain 3, iha medisina interna nain 19.
 - a) Sira nain **3 iha obstetrisia**, kategoria **leve (mild)** hotu.
 - b) Husi sira nain **19 iha medisina interna**, nain **2 grave** (uza oksijéniu ho NRM - Non-rebreather mask), nain **12 moderadu**, nain **5 leve (mild)**.

Gráfiku nº 2: Total kazu pozitivu hirak ne'ebé baixa ospital kada loron & kumulativu.



- Koluna kór verde hatudu kazu detetadu kada loron.
- Liña azul iha gráfiku ne'e, hatudu númeru kumulativu kazu moderadu no grave ne'ebé baixa iha Vera Cruz.

V. INFORMASAUN ADISIONÁL

1. Informa ba jornalista no públiku tomak katak hahú dia 2 de Juñu de 2021, **ema ne'ebé recuperadu ona husi moras Covid-19** & liu ona husi izolamentu terapéutiku domiliar (iha uma-rasik) ka iha fatin ne'ebé Estadu prepara, wainhira atu desloka sai husi/tama ba serka sanitária, **LA PRESIZA halo swab**, maibé nafatin presiza hetan autorizasaun esepSIONÁL husi Diretor CIGC. Atu bele prosesa autorizasaun esepSIONÁL tenki hatuku Sertifikadu Alta husi Izolamentu, ne'ebé MInistériu Saúde, liu husi ninia Pilar 7, fo'o ba ema recuperadu.

2. Aproveita hato'ó mós ba jornalista no populasaun katak ema ne'ebé detetatu positivu, wainhira rekuperadu ona, bele simu vasina, doze dahuluk, ka doze daruak. La iha kontra-indikasaun médika. Lo'os duni, iha Sertifikadu Alta husi Izolamentu, hakerek informasaun hanesan tuir mai ne'e *"Ema ne'ebé rekuperadu, di'ak-liu hein to'ó másimu fulan 6 (neen), sura husi loron alta, maka foin simu vasina;"* Informasaun ida ne'e, fo'ó sai ho baze ba número vasina ne'ebé seidauk suficiente atu kobre populasaun hotu. Maibé, tamba agora iha ona número vasina ne'ebé bo'ot, ema hotu ne'ebé rekuperadu husi moras Covid-19, wainhira hakarak simu ona vasina, bele hakbesik ba postu vasina ne'ebé besik, atu simu vasina.
3. Informa mós ba populasaun tomak katak ema ne'ebé **simu ona vasina doze daru'ak hasoru virus SARS-CoV-2** – naran vasina ida husi hirak ne'ebé rekoñesidu husi Organizasaun Mundiál Saúde - bele ona sirkula livremente tama ka sai serka sanitária, no la presiza hetan autorizasaun esepSIONÁL husi Diretor Centro Integrado Gestão de Crises.
4. Aproveita informa mós ba públiku katak, fatin atu halo teste PCR maka hanesan tuir mai:
 - Wainhira sente moras isin-manas, mear, kakorok moras ka sintoma seluk tan: **bele ba konsulta iha Sentru Saúde ne'ebé besik, atu bele halo swab.**
 - Wainhira atu husu autorizasaun esepSIONÁL sai husi serka sanitaria iha Dili: **bele ba halo swab iha Centro Convenções Dili (CCD).**
 - Wainhira sente katak sai kontaktu-besik ba ema ruma ne'ebé detetau positivu ona, no seidauk hetan kontaktu husi ekipa konjunta saúde: **bele liga ba numeru 119 atu organiza oin sá foti swab.**

VI. APELU

1. Apela ba populasaun iha Dili laran no mós iha Munisipiu sira seluk, atu apresenta-an iha facilidade saúde públiku (Sentru Saúde ka Ospital) ne'ebé besik, wainhira sente isin-manas, ka kakorok moras, ka inus-ben, ka mear, hodi bele hetan atendimentu husi profesionál saúde sira. Wainhira sedu liu hatene se virus ne'e kona ita ka la'e, di'ak liu, hodi nune'e bele hetan atendimentu sedu liu, no prevene tama ba iha situasaun ne'ebé hanaran sindroma insufisiénsia respiratória aguda (SIRA), ka susar/difisil atu dada-i'is.
2. Ba populasaun iha Timor-Leste laran tomak, favor respeita nafatin regra prevensaun no ijiéne individual, ne'ebé Governu hatu'ur ona, atu prevene moras Covid-19 da'et ba mai. Regra sira ne'e, hanesan ita hotu hatene ona, maka: (a) uza máskara; (b) fase liman beibeik ho sabaun ka dezinfetante ruma; (c) evita kose liman ba matan, inus ho ibun; (d) wainhira kumprimenta malu, la presiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-

RMA